

3 Yaolhaq

Gevq-a nail gaq

Haoqgavq niil keiv neq, khaq sil gaq-i mail gevg-a nail dai, aqduq aqtsil tsil dai maq gevg-ai thaq-al. Thailhai ngaol-aog, milnee uqnee khe Khali yaq juq Gaqkhoel Yaolhaq-i mail gevg-a nail ngaol dai, noeq nail ngaol. Khul khi mail dai ngal-aq, haoqgavq niil keiv neq, 2 Yaolhaq nail haoqgavq khe-ai, maodai dul lai ngaol.

Gevq-a nail aqyanq khi mail aqduq

Gevq-a nail aqyanq neq, A.D. 85-95 kovq nail gaiqlaq bhai ngaol. Gevg-a nail aqduq neq, Eilpheilsu meenq bhai ngaol.

Khaq sil gaq bhai gevg bhiq-a nail

Haoqgavq niil keiv neq, Yaolhaq aivq nail aqtsaoq Gaqyul dai khul nail gaq bhai gevg bhiq thaq nail niil dai, heeq lal nail ngaol. Gaqyul dai khul nail neq, Lolmav nail aqmil pevq nail ngaol. Daoqceevq neq, lavqkhiq tsail nail dai, ge movq nail ngaol.

Khul bhai noeqthunq khi gevg-a nail

Haoqgavq niil keiv neq, Yaolhaq Daqyaoldaqlal dai mil nail aqivq teevq gaq daoq maq naldaiq dai, aivq bhai ge doil khi, neema eeq nail nee ovqtavq, aqivq jiovq movq khi, geeqlaoq daoq cavq lal cov lal nail juq bhai maq hav bhoel mail, hav bhoel nail juq bhai iqsanl lav tsoiq nail bhai, Yaolhaq neema maq tsaq-il dai, bhi heeq kivq movq nail haqbhoil,

gevq-a nail ngaol. Al ovqtavq, Yaolhaq neq, maldil lavqkhiq tsail nail geeqlaoq daoq cavq nail cov nail tsaol-aq juq bhai aqmeeq-ai hav bhiq khi tsaojao-ai bhiq nail neq, tsaq nail ngaol dai, gaq bivq-a nail ngaol.

Iqmoeq ilmoeq khe daoq

¹ Ngal neq, Khali yaq munl bhai heldaiq phail nail aqivq teevq gaq ngaol. Ngal mailma-ail gaiq-a nail Gaqyul jaol nail bha haoqgavq niil gevq bhoel-ai leevq-a nail ngaol.

² Ngal mailma-ail gaiq-a nail aqtsaoq-ol, aqhaqlal phao loq nail pha q naol teevq bhee aol nail khe-ai, yaoq pha q yaoq-ao nee teevq bhee aol lal khi, jaol hal dov dai, ngal geeqlaoq hal nail ngaol. ³ Aqivq jaqbheq Khali yaq teevq pav ganav juq ngal jaol nail bha lal khi, naol saljial ivq nail ganl maqkhaiq, maldil tsaq nail haoqnao tsaothe thailthaiq nail ganl maqkhaiq, ge dai lavq-a nail ngel-i mail, ngaq bhai lavqkhiq tsail deede e ail nial. ⁴ Ngaq nail yaq juq tsaq nail daol nail lavqkhoel bhai aqdoevq doevq thailthaiq nail ngaol dai, ya gaiq-a nail nee maqtsil, ngal lavqkhiq tsail nail yaoq pha q yaoq maq jia v yaoq-aol.

Gaqyul yu bhai hav nia nail ngel-i mail, tsiqeeq bhiq-a nail ganl

⁵ Ngal mailma-ail gaiq-a nail aqtsaoq-ol, naol neq, Khali yaq juq bhai aqmeeq-ai hav bhiq-a nail lavqkhoel saljial ivq deede e khi, maq moel daiq-a nail Khali yaq juq bhai kev dai, alhai hav bhiq-a nail ngaol. ⁶ Naol goil nia gaiq-a nia nail

ganl, niilniai jaol nail Khali yaq juq bhai aqyu juq ge bhiq-a nail ngaol. Miqyail neema tsaq nail khe-ai, naol aqyu juq bhai hevq ha-ail bhiq haq neq, meeq deedee nail ngaol. ⁷ Khul khi mail dai ngal-aq aqyu juq neq, Yeiqsul nail haqbhoil daoq cavq daoq cov cov ail nail dai khi, ail nail ngaol. Al ovqtavq aqyu juq neq, laolkivq yaq juq-i mail tsaojao-ai bhiq nail bhai maq hav bhoel-ail. ⁸ Alheel ngel-i mail, maldil tsaq nail phaqq nail haqbhoil, niilheel nail tsaol-aq juq nee mail ngadao ganl teevq gaq khe-ai, nl kivq hal kivq dai, ngadao juq aqyu juq bhai aqmeeq-ai hav bhiq nail, tsaq nail ngaol.

Daqyaoldaqlal yu bhai lav tsoiq nail ganl

⁹ Ngal nuljuq nail Khali yaq munl bhai haoqgavq davqnil nil dai, gevq bhoel-ai leevq-a nail ngaol. Thailhai ngaol-aqq, Khali yaq munl nail kovtavq bhai aqivq jiovvq movq nail Daqyaoldaqlal neq, nvjuq nail daoq bhai maq hav bhoel-ail. ¹⁰ Alheel ngel-i mail, ngal lee haq neq, aivq-i mail khal nl khal hal-a nail phaqq ge dov naol. Aivq nvjuq bhai khal ge movq-ail ge doil deedee nail ngaol. A dai taivq-ail maqq ngel-ail haq-al, aqivq jaqbheq Khali yaq juq lee-u phao, aivq maq hav bhoel nail nee ovqtavq, khal hav bhoel movq nail tsaol-aq bhai iqsanl lav tsoiq khi, Khali yaq nail munl lavqkhoel nee the dov nail ngaol.

Deiqmeiqdeiqilil meeq nail ngaol dai, salkhil khanq nail ganl

¹¹ Ngal mailma-ail gaiq-a nail aqtsaoq-ol, haqev nail phaqq nail haoqnao thaqq tsaothe.

Aqmeeq phaḡ nail haoqnao tsaothe yaoḡ. Aqmeeq phaḡ nl nail tsaol-aq neḡ, Miḡyail nail tsaol-aq ngaol. Haḡeiv nail phaḡ nl nail tsaol-aq neḡ, Miḡyail bhai maḡ phuḡ maḡ moel daiḡ-a nail tsaol-aq ngaol. ¹² Tsaol-aq iḡsanl mail, Deiḡmeiḡdeiḡlil aqmeeq ngaol dai, salkhil khaḡḡ nail ngaol. Maldil tsaḡ nail phaḡ iḡsanl aivḡ nail haḡbhoil salkhil khaḡḡ nail ngaol. Aivḡ aqmeeq ngaol dai, nvjuḡ iḡsanl salkhil khaḡḡ nail ngaol. Nvjuḡ-i mail salkhil khaḡḡ nail niil maldil tsaḡ nail ngaol dai, naol iḡsanl heeḡ nia nail ngaol.

Haoqnao naosaḡ khe daoḡ

¹³ Nḡal naoḡ bhai geḡḡ bhoel-ai leevḡ heeḡ phaḡ-ail maodai jiaḡ khi ngaol-aḡḡ, haoḡḡḡḡḡ aḡḡḡḡḡ khi mail haoḡḡḡḡḡ daiḡkheḡ-i mail, maḡ geḡḡ moḡḡ-il. ¹⁴ Maḡ maḡḡ lal mail, naoḡ-ai nee ya moel khi, naoḡ bhai daoḡ ya ge tsaḡḡ naol dai, nḡal noeḡḡḡḡḡ nail ngaol. ¹⁵ Naol neesal-ovḡ dei-eiḡ. Naoḡ bhai noeḡ moel naol dai, naoḡ nail aḡḡsaḡḡ juḡ naoḡ bhai daoḡ cavḡ cavḡ bhoel-ai leevḡ-a nail ngaol. Nḡaḡ nail aḡḡsaḡḡ juḡ yaoḡḡ ḡaḡ yaoḡ-ao nee bhai iḡsanl nḡal noeḡ moel naol geiḡ dai, naol daoḡ cavḡ cavḡ bhiḡ ail dei-eiḡ.

Jalliq aqsivq Gaolkheel daoq
Akeu: Jalliq aqsivq Gaolkheel daoq New Testament
copyright © 2015 Wycliffe Bible Translators, Inc.

Language: Gaolkheel (Akeu)

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022
aaaba9fd-8172-55cc-ad15-906f43ddb5a5